

七真天仙宝传

老祖施度世之金針

帝君造救世之寶卷法演三十二回而
回回波羅密詩題六十四首而首首
佛優曇闡明七真修行奧妙引証三
教悟道格言三乘九品之果證五仙
十善之定遷陰功果報之情況旁門
外道之異端句句而細剖章章以精

研誠為考金之藥石。實乃渡海之慈
船。闢旁引正。而三教之聖典。概行藏
內。破迷修身。而萬卷之丹經。盡已色
函在

儒釋道者。修性鍊命。最易居妖邪旁者。
改邪歸正。何難。真是照萬邪之寶鑑。
實能顯三教之心傳。付梓剞劂。刷印。

廣佈普運於山川徧流於宇宙而明
七真之修行以作萬世之慈航無明
師而授道者當積德以感天有因由
而得書者宜淨手以捧讀不難大道
而得傳何愁奇緣以不遇遵此書地
獄可逃修此道


瑤池可步

鍾呂二祖造法船諸仙七真指雲路願
人人而上天堂望個個以離地獄樂
矣讚之序歡而叙之賦

皆

康熙壬辰年桂月上浣日京都北阜雙

龍寺禮義堂



七真天僊傳序

寶傳賦

以題為韻

天地無言聖賢有筆觀妙觀空萬卷
丹經如是得來造字造書三藏靈文
繇茲演出月照窻影湧湧醍醐漿風
引花香滴滴波羅密人之善惡諦聽
若雷書之邪正靜觀如日君王有道
南生祖師有五官民好善北降真人

而七天生聖帝國產良臣七朶金蓮聖
以降世九州善士而沾恩治世安邦
輔國佑民道成天上書遺紅塵

正陽老祖度衆於慾海之苦

孚佑帝君化迷於孽山之辛先以闡道
於五祖後而接引於七真留典跡於
人間出陽神於天京四生六道有感

必爭三界十方無求不保流芳年遠
而丹書之更易未免無訛遺後歲深
而道情之添改更多虛杳清其首尾
而不符查其前後以難攷古傳抄寫
月卧以花眠老本謄錄酒醉而肉飽
天宮豈容酒色之狂徒皇殿焉蓄繇
蔓之賤草故爾出家為僧為道者而

頗多因而修道成仙成佛者以稀少
嗚呼勞勞平生落空亡哀哉碌碌歲
月枉待老

帝君不忍演正道以垂此鸞開化將旁
門而掃不辭苦辛何畏煩惱孚佐叙
於京都北臯雙龍寺付諸梨棗取名
天仙寶傳德垂千古妙道

鍾祖正陽



正陽祖師誥

志心皈命禮

黃芽得道。白雪成真。配水火於一炁之
中。運陰陽於三華之頂。胎息刀圭。熟悟
本來之體。嬰兒姁姁女。試知靈府之根。度
衆生於苦海。顯聖跡於靈霄。洪願不窮。
好生為念。大悲大願。大聖大慈。正陽繼
派。終南洞天帝主。飛行救劫天尊。

呂祖純陽



純陽呂祖誥

志心皈命禮

玉清內相。金闕選仙。為三教之師。判五
雷之令。黃梁夢覺。忘世上之功名。寶劍
光輝。掃人間之妖怪。黃鶴樓中。留勝跡
玉虛殿上。鍊丹砂。演法門。香火作玄嗣
梯航大聖。大慈大仁。大孝。靈應祖師。天
雷上相。孚佑帝君。興行妙道天尊。

韓祖湘子



韓仙寶誥

志心皈命禮

道覺髫齡。行修總角。為學人之模範。托
跡韓門。啟英傑之玄風。恩承帝闕。叔父
度回九三之煩惱。未憚妻室轉化。五二之
苦衷。何堪道果成於終南。醇醪吸於平
地。大悲大願。大聖大慈。蓬萊上官。御前
侍節。恒陽品笛。帝君仙闕。接引天尊。

王祖重陽



重陽祖師誥

志心皈命禮

北宋後殿仙籍明賢。輕財好施。任強恣取。提携幸得鍾呂。悟道直貫陰陽。甘河鎮內。傳秘語五篇。東極雲中。現金蓮七朶。視富貴若浮雲。遵道德如至寶。四世續音。七真始祖。大悲大願。大聖大慈。重陽廣教。興玄育德。帝君妙化。輔極天尊。